

**ZAVOD ZDRAVSTVENOG OSIGURANJA  
I REOSIGURANJA FEDERACIJE BiH  
SARAJEVO**

***Uputstvo  
o načinu ostvarivanja bolničke zdravstvene zaštite povratnika iz Federacije  
BiH u Republiku Srpsku***

*Sarajevo, novembra 2014. godine*

*Na osnovu tačke IV Odluke o ostvarivanju prava iz bolničke zdravstvene zaštite povratnika iz Federacije Bosne i Hercegovine u Republiku Srpsku u zdravstvenim ustanovama u Federaciji Bosne i Hercegovine ("Službene novine Federacije BiH", broj: 84/14), Upravni odbor Zavoda zdravstvenog osiguranja i reosiguranja Federacije BiH, na 29.sjednici od 28.11.2014.godine, uz saglasnost federalnog ministra zdravstva, donosi*

***Uputstvo  
o načinu ostvarivanja bolničke zdravstvene zaštite povratnika iz Federacije  
BiH u Republiku Srpsku***

***I***

*Ovim uputstvom se uređuje način ostvarivanja prava na bolničku zdravstvenu zaštitu u zdravstvenim ustanovama u Federaciji BiH, povratnika iz Federacije BiH u Republiku Srpsku.*

*Pravo na bolničku zdravstvenu zaštitu iz stava 1. ove tačke, saglasno Odluci o ostvarivanju prava iz bolničke zdravstvene zaštite povratnika iz Federacije Bosne i Hercegovine u Republiku Srpsku u zdravstvenim ustanovama u Federaciji Bosne i Hercegovine (u daljem tekstu: Odluka), podrazumjeva pravo na korištenje vertikalnog programa zdravstvene zaštite, koje je inače garantirano i osiguranicima iz Federacije BiH, a u skladu sa Zakonom o zdravstvenom osiguranju ("Službene novine Federacije BiH", br. 30/97, 7/02, 70/08 i 48/11), Odlukom o utvrđivanju prioritetnih vertikalnih programa zdravstvene zaštite od interesa za Federaciju Bosne i Hercegovine i prioritetnih najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine ("Službene novine Federacije BiH", br. 08/05, 11/07, 44/07, 97a/07, 33/08 i 52/08) i Odlukom o kriterijima i načinu korištenja sredstava Fonda solidarnosti Federacije Bosne i Hercegovine ("Službene novine Federacije BiH", br. 22/02 i 11/05)*

*Prava iz st. 1. i 2. ove tačke (u daljem tekstu:pravo na bolničku zdravstvenu zaštitu), povratnici ostvaruju na teret sredstava Budžeta Federacije Bosne i Hercegovine, kroz „Transfer za susfinsansiranje troškova lječenja raseljenih lica“ koji se doznačava Zavodu zdravstvenog osiguranja i reosiguranja Federacije BiH (u daljem tekstu:Federalni zavod) saglasno finansijskim mogućnostima Budžeta Federacije Bosne i Hercegovine u fiskalnoj godini.*

*Sredstva navedena u prethodnom stavu vode se na posebnoj poziciji u Federalnom zavodu.*

## **II**

Saglasno odredbama Odluke, uslovi za ostvarivanje prava iz tačke I ovog uputstva su:

- CIPS-ova lična karta izdata u Republici Srpskoj,
- uputnica doktora medicine iz zdravstvene ustanove primarne razine zdravstvene zaštite (u daljem tekstu: uputnica) odnosno medicinska dokumentacija iz koje je vidljivo da je povratniku medicinski indicirano korištenje bolničke zdravstvene zaštite saglasno Odluci i tački I st. 1. i 2. ovog uputstva.

## **III**

Uputnicu izdaje doktor medicine iz zdravstvene ustanove primarne razine zdravstvene zaštite koji je indicirao korištenje bolničke zdravstvene zaštite saglasno Odluci i tački I st. 1. i 2. ovog uputstva.

U uputnici se navodi i odgovorajuća zdravstvena ustanova u kojoj povratnik može koristiti indiciranu bolničku zdravstvenu zaštitu, a koja je, s obzirom na mjesto prebivališta povratniku najbliža u Federaciji BiH.

Uputnica važi najduže 30 dana od datuma izdavanja.

U hitnom slučaju, povratnik može ostvariti pravo na korištenje zdravstvenih usluga bolničke zdravstvene zaštite samo na osnovu CIPS-ove lične karte izdate u Republici Srpskoj, s tim što je obavezan uputnicu obezbijediti naknadno.

## **IV**

Zdravstvena ustanova u koju je povratnik upućen, dužna je prilikom prijema zatražiti od povratnika dokumente iz tačke II ovog uputstva i odbiti prijem ako nedostaje bilo koji od propisanih dokumenata, osim ukoliko nije hitan slučaj kada se primjenjuje odredba tačke III stav 4. ovog uputstva.

Zdravstvena ustanova u koju je povratnik upućen, dužna je prije prijema povratnika na korištenje zdravstvenih usluga bolničke zdravstvene zaštite, utvrditi da li postoje medicinske indikacije za korištenje ovih usluga.

Ukoliko utvrdi da postoje medicinske indikacije za bolničko liječenje, zdravstvena ustanova je dužna povratniku obezbijediti korištenje zdravstvenih usluga bolničke zdravstvene zaštite.

Ako zdravstvena ustanova utvrdi da ne postoje indikacije za korištenje zdravstvenih usluga bolničke zdravstvene zaštite dužna je o tome odmah obavijestiti povratnika i doktora medicine koji je izdao uputnicu, uz obrazloženi prijedlog za dalje liječenje.

## **V**

*O ostvarivanju prava povratnika saglasno Odluci i ovom uputstvu stara se direktor Federalnog zavoda, na način da se blagovremeno zaključenim ugovorima sa zdravstvenim ustanovama, obezbijedi korištenje zdravstvenih usluga bolničke zdravstvene zaštite i isplata ugovorenih naknada troškova korištenja zdravstvenih usluga bolničke zdravstvene zaštite na osnovu ugovorom propisane dokumentacije, priložene od strane zdravstvene ustanove u kojoj je provedeno korištenje zdravstvenih usluga bolničke zdravstvene zaštite.*

## **VI**

*Zdravstvene ustanove su dužne voditi posebne evidencije o korištenju zdravstvenih usluga bolničke zdravstvene zaštite saglasno Odluci i ovom uputstvu.*

*Sadržaj evidencije iz stava 1. ove tačke preciziraće se u ugovoru koji će Federalni zavod osiguranja i reosiguranja zaključiti sa zdravstvenim ustanovama.*

## **VII**

*Federalni zavod posebno vodi pojedinačnu evidenciju o ostvarivanju prava na bolničku zdravstvenu zaštitu u skladu sa Odlukom i ovim uputstvom.*

*Troškovi bolničke zdravstvene zaštite iskazivati će se po svakom povratniku - korisniku i ukupno, za svaki od vidova bolničke zdravstvene zaštite prema evidenciji iz stava 1. ove tačke.*

*Sredstva utrošena za bolničku zdravstvenu zaštitu, saglasno Odluci i ovom uputstvu, iskazivati će se zasebno, u okviru izvještaja o obračunu sredstava federalnog fonda solidarnosti.*

## **VIII**

*Ovo uputstvo se primjenjuje na zahtjeve povratnika za ostvarivanje prava na bolničku zdravstvenu zaštitu u zdravstvenim ustanovama u Federaciji BiH koji su podnijeti od dana stupanja na snagu Odluke, odnosno koji su podnijeti od 16.10.2014.godine.*

*Uputstvo o načinu ostvarivanja bolničke zdravstvene zaštite u zdravstvenim ustanovama u Federaciji BiH, povratnika iz Federacije BiH u opštine Srebrenica, Bratunac, Milići, Žepa i Vlasenica u Republici Srpskoj broj: 01/D-727/07 od*

28.05.2007.godine na koje je saglasnost dalo Federalno ministarstvo zdravstva svojim Aktom broj:01-37-3829/07 od 05.06.2007.godine, prestaje sa primjenom dana 15.10.2014.godine.

## IX

Ovo uputstvo stupa na snagu danom donošenja.

Dostavljeno:

1. Premijeru Vlade Federacije BiH
2. Federalnom ministarstvu zdravstva,
3. Federalnom ministarstvu raseljenih osoba izbjeglica,
4. Kantonalnim ministarstvima zdravstva,
5. Kantonalnim zavodima zdravstvenog osiguranja
6. a/a

Broj:02/III-01-1-3007-1/14  
Sarajevo, 28.11.2014.godine



Aktom broj:07-37-7557/14 od 24.11.2014. godine, Federalno ministarstvo zdravstva dalo je saglasnost na ovo uputstvo.

**ZAVOD ZDRAVSTVENOG OSIGURANJA  
I REOSIGURANJA FEDERACIJE BiH  
SARAJEVO**

*Izmjene i dopune Uputstva  
o načinu ostvarivanja bolničke zdravstvene zaštite povratnika iz Federacije  
BiH u Republiku Srpsku*

*Sarajevo, 19.06.2015. godine*

Na osnovu tačke IV Odluke o izmjenama i dopunama Odluke o ostvarivanju prava iz bolničke zdravstvene zaštite povratnika iz Federacije Bosne i Hercegovine u Republiku Srpsku u zdravstvenim ustanovama u Federaciji Bosne i Hercegovine ("Službene novine Federacije BiH", broj: 36/15), Upravni odbor Zavoda zdravstvenog osiguranja i reosiguranja Federacije BiH, je elektronskim izjašnjavanjem od 19.06.2015. godine, uz saglasnost federalnog ministra zdravstva, donio

**Izmjene i dopune Uputstva  
o načinu ostvarivanja bolničke zdravstvene zaštite povratnika iz Federacije  
BiH u Republiku Srpsku**

**I**

U Uputstvo o načinu ostvarivanja bolničke zdravstvene zaštite povratnika iz Federacije BiH u Republiku Srpsku broj: 02/III-01-1-3007-1/14 od 28.11.2014. godine (u daljem tekstu: Uputstvo), u tački I stav 2. mijenja se i glasi:

„Pravo na bolničku zdravstvenu zaštitu iz stava 1. ove tačke, saglasno Odluci o ostvarivanju prava iz bolničke zdravstvene zaštite povratnika iz Federacije Bosne i Hercegovine u Republiku Srpsku u zdravstvenim ustanovama u Federaciji Bosne i Hercegovine ("Službene novine Federacije BiH", br. 84/14 i 36/15 - u daljem tekstu: Odluka) povratnici ostvaruju saglasno opsegu i vrsti prava iz obaveznog zdravstvenog osiguranja za bolničku zdravstvenu zaštitu, a koja su zajamčena osiguranim osobama u Federaciji BiH saglasno odredbama Zakona o zdravstvenom osiguranju ("Službene novine Federacije BiH", br. 30/97, 7/02, 70/08 i 48/11)."

Iza stava 3. ove tačke dodaje se novi stav 4. koji glasi:

„Ukoliko su sredstva iz stava 2. ove tačke nedostatana u fiskalnoj godini, ista se osiguravaju i na teret sredstava Proračuna Federacije Bosne i Hercegovine, kroz „Transfer za raseljene osobe i povratnike“ i doznačavaju Federalnom Zavodu.“

Dosadašnji stav 4. postaje stav 5.

U dosadašnjem stavu 4. koji je postao stav 5. riječi: „prethodnom stavu“ zamjenjuju se riječima: „st. 3. i 4.“

**II**

Iza tačke I dodaje se nova tačka Ia koja glasi:

**,Ia**

Izuzetno od tačke I stav 3. ove odluke, sredstva potrebna za provođenje ove odluke, u 2015. godini osiguravaju se u proračunu Federacije Bosne i Hercegovine za 2015. godinu, kroz „Transfer za sufinansiranje troškova liječenja raseljenih osoba“ u iznosu od

2.000.000,00KM, kao i kroz „Transfer za raseljene osobe i povratnike“ u iznosu od 500,000,00KM koja se doznačavaju Federalnom zavodu.“

### III

U tački III stav 1. mijenja se i glasi :

„Uputnicu za korištenje bolničke zdravstvene zaštite saglasno Odluci i tački I st. 1. i 2. ovog uputstva izdaje doktor medicine iz zdravstvene ustanove primarne razine zdravstvene zaštite koja je, s obzirom na mjesto prebivališta, povratniku najbliža u Federaciji BiH ili doktor medicine iz zdravstvene ustanove primarne razine zdravstvene zaštite koja se nalazi u mjestu gdje se nalazi ustanova u kojoj će se koristiti indicirana bolnička zdravstvena zaštita.“


### IV

Ove izmjene i dopune uputstva stupaju na snagu danom donošenja , a primjenjuju se na zahtjeve povratnika za ostvarivanje prava na bolničku zdravstvenu zaštitu u zdravstvenim ustanovama u Federaciji BiH koji su podnijeti od dana stupanja na snagu Odluke o izmjenama i dopunama Odluke o ostvarivanju prava iz bolničke zdravstvene zaštite povratnika iz Federacije Bosne i Hercegovine u Republiku Srpsku u zdravstvenim ustanovama u Federaciji Bosne i Hercegovine, odnosno koji su podnijeti od 14.05.2014.godine .

Dostavljeno:

1. Zdravstvenim ustanovama u Federaciji BiH (16);
2. Kantonalnim zavodima zdravstvenog osiguranja (10);
3. Kantonalnim ministarstvima zdravstva (10);
4. Premjeru Vlade Federacije BiH (na znanje);
5. Federalnom ministarstvu zdravstva (na znanje);
6. Federalnom ministarstvu raseljenih osoba izbjeglica (na znanje) i
7. a/a

Broj: 02/III-01-1-1599-1/15  
Sarajevo, 19.06.2015. godine



Aktom broj: 01-37-3288/15 od 20.05.2015. godine, Federalno ministarstvo zdravstva dalo je saglasnost na ovo uputstvo.

**ZAVOD ZDRAVSTVENOG OSIGURANJA  
I REOSIGURANJA FEDERACIJE BiH  
SARAJEVO**

*Izmjene Uputstva  
o načinu ostvarivanja bolničke zdravstvene zaštite povratnika iz Federacije  
BiH u Republiku Srpsku*

*Sarajevo, jula 2015. godine*

Na osnovu tačke IV Odluke o izmjenama i dopunama Odluke o ostvarivanju prava iz bolničke zdravstvene zaštite povratnika iz Federacije Bosne i Hercegovine u Republiku Srpsku u zdravstvenim ustanovama u Federaciji Bosne i Hercegovine ("Službene novine Federacije BiH", broj: 36/15), Upravni odbor Zavoda zdravstvenog osiguranja i reosiguranja Federacije BiH, na 36. sjednici od 31.07.2015.godine, uz saglasnost federalnog ministra zdravstva, donosi

**Izmjene Uputstva  
o načinu ostvarivanja bolničke zdravstvene zaštite povratnika iz Federacije  
BiH u Republiku Srpsku**

**I**

U Izmjenama i dopunama Uputstva o načinu ostvarivanja bolničke zdravstvene zaštite povratnika iz Federacije BiH u Republiku Srpsku broj:02/III-01-1-1599-1/15 od 19.06.2015.godine,u tački IV,te u obrazloženju, u tački II, u četvrtom pasusu, datum „14.05.2014. godine“ mijenja se i glasi „14.05.2015. godine“.

**II**

Ove izmjene stupaju na snagu danom dovošenja, a primjenjuju se od 14.05.2015.godine .

Dostavljeno:

1. Zdravstvenim ustanovama u Federaciji BiH (16);
2. Kantonalnim zavodima zdravstvenog osiguranja(10);
3. Kantonalnim ministarstvima zdravstva(10);
4. Premjeru Vlade Federacije BiH(na znanje);
5. Federalnom ministarstvu zdravstva(na znanje);
6. Federalnom ministarstvu raseljenih osoba i izbjeglica(na znanje) i
7. a/a

Broj:02/III-01-1-1981-1/15  
Sarajevo, 31.07.2015.godine



Aktom broj: 01-37-3288-1/15 od 28.07.2015.godine, Federalno ministarstvo zdravstva dalo je saglasnost na ove izmjene Uputstva.